

ŠENTENCIJA MESOPUSTA „SMUTLJIVAC“ 2016

SUDAC:

Posvedočit more selo
 Leto dan je proletelo
 Puno toga sej doznalo
 A čagod i zapisalo

Malo mira i posluha
 Da pride do sašćeg uha
 Gredu čitat moja usta
 Tužbu proti mesopusta

Još su nigda ovo bili
 Pradedi utanačili
 Sada odozgora prate
 Dal običaj mlaji bate

Pozdravaljan te rodni kraju
 Po starinskon običaju
 Tako stari su oteli
 Da ovo bu blagdan veli

Običaj oču nastavit
 Prvo gren vas sih pozdravit
 Ki ste s nami vavoj Sali
 I ki doma ste ostali

Veli pozdrav šaljen v goru
 I jedan va dijasporu
 Simi ki ste odovuda
 Dal van fali rodna gruda

Još subotun gre parada
 Prija tanca okol grada
 I drži se čeljad mlaja
 Našeg lipog običaja

Dokli niste se poseli
 Va općinu pozdrav veli
 Ov put ih se ne tužuje
 Udruga jin zafaljuje

Uboli su kunu više
 Da običaj lakše diše
 Dal vlada o ton divani
 Sul jin ovo zadnji dani

Nova vlada valjda smira
 Da općine pozapira
 Ove manje poručuju
 Ča same ne zarađuju

Da dalje ne išćen krivca
 Optužit oču „SMUTLJIVCA“
 Za smutnju i bedastoće
 Danas ovdi finit oće

Još pozdrav po cenu saku
 Kolindi na Pantovčaku
 Jedino mij želja pusta
 Da ju kušnen drito v usta

TAMBUR

ŠENTENCIJA MESOPUSTA „SMUTLJIVAC“ 2016

ABUKAT:

Narode moj ljudi mili
 Ovo nismo zaslužili
 „SMUTLJIVCA“ mi tu napada
 Ne veruje ni parada

 Koda san ja veslo sisal
 Ni ruku mi nisi stisal
 Kroz miša mi moreš fikat
 Ma se s manun nećeš slikat

 Oprosti mi dragi puče
 Za zajik me sudac vuče
 Brzo oću se popraviti
 Sih vas kušnut i pozdravit

 Abukat vas stari voli
 Sih ki ste va Vinodoli
 Još z Bribira šaljen sliki
 Va obidvi Ameriki

 Na sa kopna i se bare
 Pozdrav z naše grudi stare
 V Sidneji pozdravljan Miku
 Pa gren Rosu va Afriku

 I Hrvoju pozdrav biži
 Od ovih je on najbliži
 To su naši stari člani
 I nigdanji kapetani

Još njin za vo srce lupa
 Voleli bi da smo skupa
 Parada ne zaboravlja
 Šaljemo jin brentu zdravlja

 Nen dalje po svitu letit
 Obrani se gren posvetit
 V rukij harta moj narode
 Da ga sprotu oslobode

 Kontra tužbu ću sastavit
 Još o tomu će se praviti
 Uzame su nigda bili
 Ki su suca podmitili

 Misli da san črna ovca
 Da san dospel z Opatovca
 Ma mej jako teško ranit
 Dok ne zdahnen ću ga braniti

 A uzamej i parada
 I nin ovo teško pada
 Mesopusta jako vole
 Sučeve besedi bole

 Meine smutiti lahko nećeš
 Po tanjucnon brvni šećeš
 Abukat ja nisan saki
 I ne živin va baraki
TAMBUR

ŠENTENCIJA MESOPUSTA „SMUTLJIVAC“ 2016

SUDAC:

Nič ti zajik se zapleta

Pijan si od Novog leta

Lipi primjer si dičini

Celi bazdiš ti po vini

Ovoj čast i vela slava

U pitanjuj nišća glava

Branit ovo nimaš moće

Zuven ostat oć do noće

Opletali su se vinci

Na izbori va prosinci

Ki trgovat nisu znali

Izbori je otpuhali

Slušali smi ista sranja

Više veća nego manja

Tribal Osip postat sveti

A Lojzeka hitit smeti

Komu to rat stari paše

A ov novi još nan maše

Oćemol se ohovistit

I naprvo počet mislit

„Kukurikuj“ ov put zdahnul

Z gelendera mij zamahnul

Pak za želju svoju zadnju

Otel minjat je stomanju

I črvljenu svoju boju

Prominit za bilo koju

Već su zeli i šilice

Da promine sebi lice

Skoroj teklo ko po loju

Da prigrle „lipu svoju“

Rokale su kanonadi

Udbi, gnjusi, tati, gadi

Nij jin pićoc bilo dosta

Vrag natiral jej do mosta

Misleli su daj va taci

Minjat brsu i na placi

Kletve vele nen spominjat

Triba kožu valje minjat

Kako kačka svoju suče

Na brvni se jako muče

Evdi pipni jako boli

Vražja koža neće doli

Oćel pomoć totu maslo

Znet črvljeno čaj zaraslo

„SMUTLJIVAC“ je prišal totu

Problem rešil valje sprotu

Zakuhal je grdu kašu

Od sakuda njemu mašu

ŠENTENCIJA MESOPUSTA „SMUTLJIVAC“ 2016

Mašu s kapun na tri rogi

Sih boj vrazi i nebogi

Otelaj vlast šmugnut desno

Va postolih jako tesno

S trunka znimlju očenaše

Za spas ove lipe naše

Obećanja ovon puku

Ne hote va grdu muku

Nova vlast će vas oderat

Staru travu ćete žerat

Sačaj narod slušal totu

Nek jin bude na sramotu

Bubnuli z nebuha „MOSTI“

Kot kad kuckon brkneš kosti

Od država kad je ova

Sila treta gre s poznova

Šaka ljudih od pameti

Kompas nosi v desnon žepi

Brže bolje stanje smirit

Sih na kupac pa pomirit

Lipoj mesto na papiri

Za novi nan mušketiri

Neka in je sa kuraja

I velike tvrde jaja

TAMBUR

ABUKAT:

Svit nedužan strada sada

Sako malo bomba pada

Punoj gore nego lani

To da nisu muslimani

„SMUTLJIVAC“ nij kašu misil

Ta se bagra zove ISIL

Pak u ime svetog Boga

Se zatare i sakoga

Narod jadan bižat mora

Kuda oće neg prik mora

Stari, mlaji, ženi, dica

Veloj more njin grobnica

Živi ki ostanu totu

Va Evropu biže sprotu

Izbjeglička vele kriza

A rješenja ni izbliza

Pred trejset let va Kabuli

Zaprli su se tabuli

Istaj ova slika sada

Teror tamo redon vlada

Morda bolji dani gredu

Amer i Rus skupa predu

Kad dva ova protivnika

Delaju mir lipšaj slika

ŠENTENCIJA MESOPUSTA „SMUTLJIVAC“ 2016

Izbjeglice moj nebore

U nas sidu i odmore

Tu popiju lončić čaja

Dugo od svog zavičaja

Sega bi in naši dali

I mi nigda smo bižali

Jadan onaj neka čuje

Ki na njimi zarađuje

Ostat oće ka nevesta

Na zapadi nij već mesta

Barikadi redon dižu

Novi gosti da ne stižu

I nan su kolajnu spleli

Ovi gori va Deželi

Nij od rožic ljudi prave

Neg od žici bodljikave

Kad greš va Trst po stomanju

Obrijat se moreš na nju

Ograjica Bože sveti

Sakudre po njoj žileti

Omotale su nas žici

Koda smo va Aušvici

Ne more ovoga reda

Ni sused poč do suseda

Gremo malo se navrnut

Na nič lipše preobrnut

Kako naše mesto sniva

Od osnove do simitira

Razred velik osan dice

Moreš igrat utakmice

Za ko leto od esada

Oćel šverit nan parada

Oćel bit još koga v selih

Za kampanat v gaćah belih

Sej manje da dimnik dimi

Dal ki ovdı živi zimi

Prišlaj nika grda moda

Višej kuckih neg naroda

Jel izumrl del Bribira

Stara bolest se opira

Ili žensko nij jebeno

Il je sime pokvareno

Bojin se da niki stalno

Jebu samo virtualno

Poručak nan šalje vlada

Ministarstvo novo sada

Još ne znamo njemu ime

Ćel uvozit muško sime

ŠENTENCIJA MESOPUSTA „SMUTLJIVAC“ 2016

Zadnja šansa ovo da je
 Ministarstvo za snošaje
 Za ko leto tako piše
 Bit nas oće puno više

TAMBUR**SUDAC:**

Ne išćen va jaji dlaku
 Za pofalu ovoj saku
 Pred Badnjak se dragi puče
 Z naše gore jelvić vuče

Pravnik Rajko toj splaniral
 I akcijun dirigiral
 Sul ku kaplju više zeli
 Ili sikli ga v tuneli

Osvanul je nasrid grada
 Jel otpala njemu brada
 Imel je maj dvi tri mani
 Ni listića niti grani

Jel tuji paj šal kroz žici
 Ilij šmrikić z Ravanjšici
 Nis znal kamo od sramoti
 Va mrtvačkon bil san poti

Gljeda dite poli Loli
 Kodaj lipši v našoj školi
 Pismara se Smiljka križa
 Lipši nač ćeš do Zagriža

Tu sej digla vela hajka
 Napali su teca Rajka
 Čel se ovdi igrat kolo
 Drvo miće i još golo

Moja greška Bogu fala
 Krive bil san zel očala
 Ljudi moi ovoj proba
 Jutro stiže prava roba

Obećal je pravnik Rajko
 Petnajst metrih mila majko
 Osvanul je v iston dani
 Lipši nego v Vatikani

Milenijskaj bila slika
 V koli čovik do čovika
 Z baula se nošnja znima
 Tanca i on ki ju nima

Dario i Marin vode
 Stare pismi uhu gode
 Ive piva stante simo
 „Kamo selo da selimo“

Ženi redon otpivaju
 Si piju i si tancaju
 Sej bilo kot v lipoj bajki
 Tako su tancale majki

ŠTENTENCIJA MESOPUSTA „SMUTLJIVAC“ 2016

Na papiri išćen etu

Nekoa se ponovi kletu

Zač to narod jako voli

Nek i Rajko bude v koli

TAMBUR**ABUKAT:**

Va Selcimi na Matkini

Ivankaj pokojne Bini

Popljahnulaj sej pa smira

Skočit malo do Bribira

Fanj nij bila va Bribiri

U frizerki naše Miri

One se znadu od mala

Još doklij Bribiri stala

Š njun se najde v rodnon kraju

Da malo počakulaju

Evo Miro ja ti stižen

Ovaj čas guzicu dižen

Ne išći me na Rivini

U majki san Poduljini

U matere mi Marije

Ovdij kotal od rakije

Zato lipo pridi simo

Da malo podivanimo

Videle se nismo zdavni

Il si Selcih il va Ravni

Stiže gospa z naše luki

Paket kafi nosi v ruki

Grli svoju pajdašicu

I kušuje tetu Micu

Hodi evdi k meni sidi

Kraj kotla su dvi katridi

Oću hitit još dva drva

Sada oće poteć prva

Razminile su se čuli

Dal ki koga kadi žuli

Rakiju će degustirat

Pa ne triba to baždirat

Dvi tri tu su vase vlele

Pa su malo ogladnele

Pozdravljaju majku Micu

Do Zubi gredu na picu

Parkiralaj Mira kola

Nij Ivanki odozdola

Kvarat urej već pasalo

Da se nij ča na zlo dalo

V glavi Mira misal vrti

Samo da nij v tujen vrti

Taman nazad je otela

Stiže poziv z mobitela

ŠENTENCIJA MESOPUSTA „SMUTLJIVAC“ 2016

Ne špotaj me prijо mila

Evo ja san se zgubila

Da ti jeben vražje strini

A kako va Poduljini

Ni petlje ni semafora

Jednaj cista odozgora

Prav ča vidiš okol sebe

Sada oću prit po tebe

Trefila juj kako maši

Doli kadi su Taraši

Signali joj Mira daje

Kako otud se zihaje

Poli Zubi su finile

Ali picu nisu jile

Peći su ostudenele

Zač su grdo zaškurele

TAMBUR**SUDAC:**

Va Bribiri već nij krize

Pohićuju se devize

Ne na banki Bože sveti

Hitaju se drito v smeti

Istinaj to ljudi vela

Poručuje Danijela

Jebat će mi se po spisku

Toj ona ča dela v Tisku

Nedilja nij dan od dela

Čisti kuću Danijela

Cela tomu se posveti

Ponediljkon voze smeti

Sej oprala i pomela

Maloj i na kauč sela

Vričaj smetih i od čera

Obi će do kontejnera

Očistilaj i skuhala

Zeru se opeljuzdrala

Muž na brodi sin v paradi

Muzika se čuje v gradi

Jel ju bilo prevarilo

Ilij rano zaškurilo

Kadij ono Bože bila

Sto eurih naredila

Minjat oće to va kuni

Za minažu i računi

I na kafuj računala

Samo kamo ih je klala

Na kredenci nij ih totu

Srhi su ju prošli sprotu

Ajme ča san načinila

Euri san zahitila

ŠTENCIJA MESOPUSTA „SMUTLJIVAC“ 2016

To na tomu ostat neće

Gre zdolu pregljedat smeće

Željku zove da joj sviti

Zač je škuro kot i vriti

Susedi su ta dan bili

Cel kontejner napunili

Se su vriće iste boje

Kako oće poznat svoje

Svedočilaj tu parada

Va smetih je žena mlada

Zija jedan od parade

Amsterdamu boce krade

Danči smeti prehićuje

Manje svoje više tuje

Kopajuć je tu doznala

Čaj suseda obedvala

Na rit je od muki sela

Bez eurih Danijela

Lipo dahne pa će tribat

V Domestosi se oribat

TAMBUR**ABUKAT:**

Prošlon viki na čajanki

V modi bile su jpanki

Pak da budemo va trendi

Zbog linije nij marendi

Modaj sada prišla nova

Ljudski deli od olova

Za dvajset let a i prije

Za železo tišljarije

Banzak, bradva, drebank, svidar

Tek popiće oć na lgar

Nete kljecnut ti kolena

Niti kuki do ramena

Saku drugu nan košćinu

Stokarit će na brzinu

Železni daj totu titan

Moj nebore to te pitan

Srećko, Robi, Čarlton Jože

Roboti su ispod kože

Deli novi su dobili

Teži su neg ča su bili

U Dražićih na pilani

Nek zavare gromobrani

Da je kad nevrime mine

Strela Božja ne ošine

Kad železni imaš kuki

Lopatun je kop bez muki

Samo staneš na lopatu

Pa i jaja bolje cvatu

ŠENTENCIJA MESOPUSTA „SMUTLJIVAC“ 2016

Akoj čelik va koleni

Bože mili ajme meni

Samo prozor triba sada

Da tu žensko ne nastrada

Pošaptal mij doktor Felder

Da se novi dela feder

Pliš, plastika, šusta mića

Miš daj gotov do prolića

Ča si napal nesritnjače

Kad nauka vajer skače

Neć se dospit ni pomolit

Križa ote prestat bolit

Neće rabit inekcija

Lakša bit će erekcija

Kad komadić zada žnjili

Na makini to se pili

Pak bez boli ili jada

Stokareno ti gre zada

Bez nebeskog onog mača

Plastičnaj to hrptenjača

Nij železna zbog magneta

I va seksi da ne smeta

Bože mili čaj to sada

Ča kad čovik i nastrada

Ča kad matrno pol noće

Z mesopusne bubneš noće

Zvat dohtora akoj v seli

V karijoli su ti deli

TAMBUR**SUDAC:**

Još dvi zgodu mi ne zmiću

Obidvi se crikve tiču

U Sobolih to sej bilo

Pred Adventi dogodilo

Si su redon od Sobolih

V udruzi od apostolih

Pred blagdani tu su bili

Delat jasje odlučili

Za va crikvi jasli vele

Da dičicu razvesele

Zgljedat ote kot i prave

Ovčice, pastiri, krave

Na mejaši od dva sela

Štalica se u njih dela

Štalica od armature

Purpen pjenu i piture

Štala kot sa filmske role

Režiser je glavni Jole

Nezgodu su doživeli

Kad su selit ju oteli

ŠENTENCIJA MESOPUSTA „SMUTLJIVAC“ 2016

Rano su to opazili

Dva su vara popustili

Jole oće to sanirat

Aparaton gre puntirat

Nij se sital tu va dvori

Da ta purpen lahko gori

Načinilaj elektroda

Kašnje nij pomogla voda

Gori štala gljedaš s puta

Nij trajalo ni minuta

Gljedaju va gole žici

Štali nij, objasni dici

Ima Jole tu rešenje

V kombija se valje penje

Va Pevec po nove pjeni

Sam je to povidel meni

Još istoga toga dana

Štalaj opet piturana

A jasllice v našoj criki

Takove nij imel niki

Veseli se mularija

Kapu skida šentencija

Za jasllice ove nove

I letu će bit takove

Od Došašćaj vrime bilo

Kad sej ovo dogodilo

Z mala triba učit dicu

Tada gre se na zornicu

Mole ki se rano staju

Kad petehi zapivaju

Prvaj bila smiron budi

Naša criki puna ljudi

Mir, tišina ovdi piše

Ne čuješ ni dal ko diše

Odjednučka vidi čuda

Zapivaloj od nikuda

Gledaju se ženi z sela

Ovoj z nišćeg mobitela

Faljen Isus i Marija

To crkvena nij arija

A čut je i na podanki

To nij glas od teti Franki

Mili Bože aleluja

Ovoj nika pisma tuja

Uho bolje kad načuliš

Dal to piva Duško Kuliš

Besedi su pismi ove

Ustaj sine majka zove

ŠTENCIJA MESOPUSTA „SMUTLJIVAC“ 2016

Ne zihaje velečasni
 Zvuki ti mu nisu jasni
 Blagi Bože daj izvini
 Koti da smo v „Katarini“

Mobitel su našli v klupi
 Ministranta z naše župi
 Lemozinu dok je grabil
 Telefon je čera zabil

A ta pisma njega ljudi
 Sako jutro doma budi
 Ni va duri ni va moli
 Ta dan nij dospel do školi

TAMBUR**ABUKAT:**

Nij ovo podatak krivi
 Trefilo sej Šimcu Ivi
 Bil je šal ovoga reda
 Va posjetu do suseda

Niš čudno ma Bože sveti
 Sused pride samo v leti
 Zna to Ive glumi tata
 Kroz zaprta oće vrta

U susedaj kuća vela
 I najlipša s toga sela
 Kamik, drvo i bazeni
 Blagostanje ajme meni

Dugo Šimac ovo snima
 A ča tek va kući ima
 Montiračen oće doznat
 Mor se neće jako poznat

Jel bil trezan ili nabit
 Maj na jedno uspel zabit
 Kad greš nutar smo doznali
 Tihi alarm se upali

Kamera se aktivira
 Šalje pozdrav iz Bribira
 Pa slika gre va svit beli
 Gljedaju na mobiteli

Vlasnik gljeda majko sveta
 Šimac mu po kući šeta
 Praznih ruk u gostij stigal
 Preselo muj ča sej „dikal“

Priko kamer sej doznalo
 Nutri Ivi sej prisralo
 Na šekreti zlatna kvaka
 Lipo Ive nutri kaka

To kamere samo znadu
 Jel se hitil bil va kadu
 Čaj odnesal to ne znamo
 I kulikoj ostal tamo

ŠTENCIJA MESOPUSTA „SMUTLJIVAC“ 2016

A čudon sej gazda čudel

Jel ov sused moj poludel

Policiju informira

Hote malo do Bribira

Gazdaricaj zeru tiša

Va Ivina gljeda miša

Povidel mij jedan znalac

Daj Ivica kapitalac

Više v smihi i va šali

Bili su ga otpeljali

Milicajac gaj pretresal

Mora vrnut čaj odnesal

Dok gazda ne digne tužbu

Ive gre va novu službu

Povidit gren ovo simi

Čuvat bazen priko zimi

TAMBUR**SUDAC:**

Sačuval san ovu stranu

Za Janju i Marijanu

Dvi su kumi ta dan bile

Dohtoru se otputile

Ne za one ženske stvari

Neg za očni kolobari

Tu triba specijalista

Ki se zove okulista

Oko titra to su znaki

Da te muče očni tlaki

Veći problem je čitanje

Kad ne vidiš slovo manje

Nabrajat ja dalje neću

Crikvenicu one kreću

Dohtorica Danijela

Čeka dami z našeg sela

Kad je obi pregljedala

Oče in je nakapala

Sada pazite po puti

Od ovoga van se muti

Site nigdi mor nij kasno

Dok v oki ne bude jasno

Lahkoj njoj ma vrime leti

A parking je skup po leti

Nećemo ovuda klatit

Nego gremo parking platit

Jedva prišle pred kućicu

S taški znimlju čeduljicu

Parking majstor gljeda va nje

Bome skupo parkiranje

Kadij harta ta štampana

Toj promet od celog dana

ŠTENTENCIJA MESOPUSTA „SMUTLJIVAC“ 2016

Da budemo tu na čisti

Toj račun od okulisti

Doma su se otputile

Kad su kapi popustile

TAMBUR**SUDAC:**

Mesopust se evdi pita

Ča općinska dela svita

Dal imaju radni dani

Ili traju zimski sani

Sul neboški zadovoljni

A zajmi njen nepovoljni

Otel zdurat duge zimi

Zač se boje mi se čini

Za pofalu ovo biran

Vozni park je renoviran

U Crnićaj nova honda

Koda gljedaš Džemsa Bonda

Slučaj da bu manje tiši

U Denaj pak micubiši

Željka vozi kola lipa

Od pežoa belog džipa

Koda nij med općinari

Starog golfa vozi Hari

Dela delo od domara

Da zamini kola stara

Štivo nan se nij zatrlo

Pak spominje opet grlo

Ne njihovo čaj organsko

Nego grlo Frankopansko

Vapi grlo stare štirni

Sul nan Frankopani mirni

Da su sudbu ovu znali

Nikad ne bi ga klesali

Va pol plisnivoga zida

Plače grlo tu od stida

A ponosni grb junački

Sada šekret je za mački

I kucinon ča tud švere

Kada ki se i posere

Pak za općinske novini

Morda vječnik ki god snimi

Turisti ga ne opaze

Dokli po Bribiri plaze

Štivo zato piše ovo

Spomeniku mesto novo

TAMBUR**SUDAC:**

Ljudi moji ovoj delo

Gren s vami kroz naše selo

Na Kričini tamo gori

ŠENTENCIJA MESOPUSTA „SMUTLJIVAC“ 2016

Va šest kuć još svitlo gori

Mali konjak od paradi

Nigdaj bilo gori sega

Podugrinac i Jargovo

Puno vina domaćega

Zaslužuju samo slovo

Požarić se Osip žali

I v Mikuli troja vrata

Se su prasci pozobali

Starijeg nij od Mihata

Staro selo to ostavljan

Poduljinij teta Mica

Najstarijih još pozdravljan

Š njun ne žive njena dica

Teti Mici pozdrav mići

S paradi mi niko reče

I Nedelku na zidići

Još najbolji prsnac peče

Va Podgori lipšaj slika

Pere Stanić gljedan harti

Tu ćeš nać već dva čovika

Još je glavni va svon kvarti

I starih je zeru više

Tuj i ka god žena stara

Šentencija tako piše

Nijedno se ne mačkara

Ka god Kate i Anica

Ivan Potplet na raskriži

Na Rudinah teta Mica

I njegovo vrime biži

Boža Čor do teca Rudi

V gornjen seli kot i prije

Pozdravljan ti dragi ljudi

Tusove su najstarije

Kosavini slika lipa

Da ne dobin po tamburi

Teta Mira drva cipa

Oću malo do Kuburi

Nij to čudo ajme meni

Va paradij puno dice

Osandeset let je ženi

Neka šije kabanice

Gren se spustit odozgora

Kad se spušćaš va Kičeri

Do staroga autora

Zeru niže poli Jeri

Oćemo se vidit gradi

Skrili su se tu od bure

ŠENTENCIJA MESOPUSTA „SMUTLJIVAC“ 2016

Teta Mica sused Jure

Finit oču va Podskoči

A va Štalah ljudi moji

Teta Anica z livadi

Duboka se starost broji

Još kopa i čagod sadi

Devedeset je Stipanki

Jel starijih kadi gori

Ka god više u Juranki

„SMUTLJIVČINO“ daj pomori

Pozdravit ću spred paradi

Prokampanal san kroz sela

Tetu Franku čaj va Gradi

Ovdi vlada kuga bela

Kad je vnuka se ženila

Dičicu na prsti brojnin

Do zorej na nogah bila

Na nogami jedva stojin

Na Graci do Viševice

Dal još ki z našega sela

Kuća Franki drugarice

Po starinsku vino dela

I nje i one od Mancu

Kot i Marin i Soboli

Pedeset let nij na tanci

To parada jako voli

Zu rakiju i va stihu

Kakova to bolest kruži

Pozdravit moran i Tihu

Da se narod malo družu

Smih na licu mu ne pada

Dobri ljudi mile ženi

U njega san jako rada

Koti da smo si smučeni

Dragaljini već nij dice

Morda kad ne bu „SMUTLJIVCA“

Od Marka do Kavranice

Oču iskat drugog krivca

Skrenut oču malo v stranu

Ne gljedaj me tako belo

Pusa Evi i Zlatanu

Upravo tij odzvonelo

(UDARAC SABLJUN)

Teti Milki pozdrav veli

Jel stariji ki va seli

Uzbrdo me niš ne koču

ŠENTENCIJA MESOPUSTA „SMUTLJIVAC“ 2016

O S T A V I N A / A B U K A T :

To mi jako teško pada
Gore cvilin neg parada
Za „SMUTLJIVCA“ bil san vezan
Ovo mij napisal trezan

Ocaj v rati stresla mina
Mat je bila kurbetina
Sestra piše kada tada
Dogljedala gaj parada

Njin ostavlja čaj na banki
I dvi ture tu na šanki
I kuću čaj još ko nova
Dva tri žlibci fale s krova

Kapetanon neka krene
I da redon se požene
Ženi te va nošnjah šetat
To nikomur neće smetat

Čaj ostavil kapelniku
Na magarca jednu sliku
Va paradi puno dice
Ma nij bilo magarice

Za paradu poručuje
Odovud se dugo čuje
Ki ste na kon kontinenti
Šaljite nan instrumenti

Dal polovni ili novi
Neka Bog vas blagoslovi
Tronbon, truba i činele
Ne poklopci od padele

Unaprvo vela fala
Drukčije će zvonit sala
Falit ću vas na sa usta
Jače nego mesopusta

Za udругuj poli Frani
Platil vino još od lani
Od sponzora vino pili
Da to nismo osjetili

Od udruge precjedniku
Načinil je krvnu sliku
Poručil muj tu na bini
Neka dohtora promini

Ov njegov gaj grdo ranil
Puno toga muj zabranil
Ne smi kafi, ne smi soka
Ni vodi ka nij s potoka

Zavi novi točinbaše
Nek ziberu ča in paše
Točilo sej Bože sveti
S krigljina i epruveti

ŠTENTENCIJA MESOPUSTA „SMUTLJIVAC“ 2016

Odelali tu su svoje
Sada lipo neka broje
I kletu da Bog točili
Za mačkare i civili

TAMBUR**ABUKAT:**

Poli Darka i Štefice
Šalje zdrave nesilice
Njegove su bile v stresu
Jaj ne daju, sam je nesi

Toj bilo ki niste znali
Dokli hćer su udavali
Četrtkon su u nas dari
Puca kot va Vukovari

Da mu jeben sunce žarko
Tri okviri spraši Marko
Municija tu se troši
Dal ki misli na kokoši

Tu noć su se šokirale
Od straha su retko srale
A drugi dan ringe raja
Pod njimi ni jednog jaja

Kot i frazi u čovika
Za tu bolest nima lika
Nen se gladit po trbuhu
Nisu nego za va juhu

Nabavili da su s Kini
Nikakovi vitamini
Nij tu bilo kraja srići
Pronesle su o Božići

Z istog pira ostavina
Piškuliću bocun vina
Moraš volit ga ko brata
Zbiran je za starog svata

S Podgora su prišli svati
Stari svat je lipo prati
Prišlo sej kadij Rivina
Nij bocuna niti vina

Plus trejst osan je va hladi
Nij bocuna poli Vladi
Potegal bi narod vinca
V autij u Šumperinca

U domaćih lipše stanje
Stari svati paze na nje
Tu popiješ alaj vera
Od Tesli i Stevi Mera

I baš Tesla niko veli
Zadrimal je va hoteli
Trdili su vatun uši
Hrče koda steni ruši

TAMBUR

ŠENTENCIJA MESOPUSTA „SMUTLJIVAC“ 2016

SUDAC:

Za Jadranka čaj s Kričini

Za napuhat dva kušini

„SMUTLJIVCU“ toj bilo v planu

Toj njemu i Adrijanu

Nen ponavljat zač si znate

Ovdij pival Bulić Mate

Gori gora borovina

I potokon teku vina

O pol pete sej pomalo

Još na šanki natakalo

Popit oće još nij dana

Tri selačka kričinjana

Trapalo i oba Čora

Vožu se kot nasrid mora

Bil veroval da nis videl

Tri metra od njih san sidel

Tuj Jadranka nič ubolo

Počel mahat je okolo

Odjednuč je Bože sveti

Guzičina na parketi

Adrijan gre pravdu tirat

Ki će moga tatu dirat

Kodaj sad utekal s koca

Opružil sej priko oca

Sul lovački ovo bodi

Kad dva lovca su na podi

Z rata mij va grli stala

Oba, obadva su pala

Konobara valje zezan

To ne moren gljedat trezan

Okrećen na pizdariju

Daj mi to ča oni piju

I stariji prave fanti

Takov propuh se ne pamti

Samo neka draga dimi

Želja nij bil pal po njimi

TAMBUR**ABUKAT:**

Vlatku pak ostavlja druga

Da pomore okol pluga

Voli Vlatko v Brinje zgoru

Pravi as je na traktoru

Sam nij uspel to dokučit

Kako oće plug zakučit

Bez pomoći on to prova

Toj taktika nika nova

Mašina gaj ta dosegla

Okol kola ga polegla

Ne znan jel se jako glasal

Priko njegov traktor pasal

ŠTENCIJA MESOPUSTA „SMUTLJIVAC“ 2016

Skoroj tu ostal bez mača

Srićaj mehka ilovača

Pitan Zlatu pa sej smela

Jaja su ostala cela

Sitila sej glava luda

Lipa bribirskoga KUD-a

Paket pelen boje žute

Kad z Bribira se odpute

Tamburašen nove žice

I dvi bele trzalice

Par opanak i kanica

Ženan bela mahramica

Ostavilaj ova bena

Nič va trunki za Lepena

Želju da se malo smiri

I škripavci beli siri

I za noći i za dana

Omiljena to muj hrana

Kad konati po Bribiri

Tendi kadi škripe siri

Rekord da muj pravi Žuti

Celi sir za šest minuti

A pijaču kad pomiša

Mesto sablji znimlje miša

Spomenut gren ajme meni

I bribirski biznismeni

Na pilani Bože sveti

Kupiš plin ili peleti

S peleti se dobro grije

On ki peć nabavil prije

Plin kad kupiš žuntu daju

Doma ti ga pripeljaju

Vrbu sada novi vode

Pofale tu jako gode

Kafaj dobra kot i prije

Ćel bit manje kurbarije

Poduzetni ljudi mladi

Firma LAG va staron gradi

Na nje se ne moreš jedit

Reć ti ote ča oć sadit

TAMBUR

ABUKAT:

Još lovcimi poručujen

Nisan vesel kad to čujen

Nij već gori dive mački

I zaprl je dom lovački

Nikomur nen pamet solit

Nen je kudit niti molit

Nij to valjda jasno simi

Lipšej ako dimnik dimi

ŠENTENCIJA MESOPUSTA „SMUTLJIVAC“ 2016

Ta dom nij dar od Boga
 Toj od puka bibrirskoga
 Sastanak pod točku razno
 Grdoj gljedat kad je prazno

Još lani su va von seli
 Bunili se za rokeli
 Na zadnje se nogi digli
 Isto nisu niš postigli

Po brdih se ne gren prtit
 Vjetrenjače ote vrtit
 Kij bil protiv a ki zato
 Tukli su se opa bato

Zapisana dva su slova
 Driveniki daj Dujmova
 Bil je tamo kuhat kotlić
 S Poduljina Davor Rokić

Z druge strani valjda z gore
 Stiže poštar moj nebore
 Sastali se poli Vrbi
 Koga češe koga srbi

Slušalaj kar Vrba cela
 Vjetrenjače i rokela
 Bil si proti sada nisi
 „SMUTLJIVČINA“ vela ti si

Obadva va grdon motu
 Počupali su se totu
 Ne brojin mu i ne sviran
 Rokić je nokautiran

Srićaj bilo tu naroda
 Rastavili su je koda
 Rad čega neg bedastoće
 Kad sejedno vrtit oće

TAMBUR**ABUKAT:**

Janji još ostavlja halju
 Spod kolena zeru dalju
 Na piru njoj bila pukla
 Najlipša ča juj obukla

Zlivaloj tu celog dana
 Bil je pir od Marijana
 Po mladu za petran Boga
 Moraju poč do Novoga

Daž kot s kabla teče svaća
 Ma se Janja brzo vraća
 Palaj drito na kolena
 Dvajset let nij tekla žena

Brzo sej na nogi digla
 Zada gljedat to nij stigla
 Ne rabi ti tu žarulja
 Na guzici vela školja

ŠENTENCIJA MESOPUSTA „SMUTLJIVAC“ 2016

Svaća čaj za njun hodila

Lipu sličicuj dobila

Armunikij stala tipka

Brageše su bela čipka

Halja gre va krpi stare

Morebit bu za mačkare

Po drugu su ju peljali

I celu noć si tancali

Gremo ljudi sad pomalo

Ovdi već nij niš ostalo

Va škrabici čuvan slovo

Pa pridite na Čokovo

TAMBUR

UDRUGA ZA MESOPUSNE OBIČAJE BRIBIR

ZAHVALJUJE SVIM SPONZORIMA A

POSEBNO:

NARODU BRIBIRA

OPĆINI VINODOLSKOJ

TZ OPĆINE VINODOLSKE

ŽUPANIJI PRIMORSKO GORANSKOJ

IVICI ROSU

AGENCIJI KATARINA LINE OPATIJA

VI. KATARINA HAUPTFELD

Autor se zafaljuje Ivi Markovu i Vladi
Gutenbergu.